

ԵՐԱՆՔԻ
ՏԱՐԻ

ՇԱԽԻՂ

ԵՐԱՆՔԻ
ՏԱՐԻ

ԱՂԳԱՅԻՆ, ԳՐԱԿԱՆԱԿԱՆ ԵՒ ՔԱՂԱՔԱԿԱՆ ՀԱՅԱԹԱԹԵՐԻԹ

«ՇԱԽԻՂ» ԼՈՅՍ Է ՏԵՍՆՈՒՄ ՏԱՐԵԿԱՆ 50 ՀԱՄԱՐ ՇԱՔԱԹ ՕՐԵՐԸ

«ՇԱԽԻՂ» Տարեկան դիմել 10 չիտան, կէս տարուանը 6 չիտան: Առանձին «ՇԱԽԻՂ» խմբագրութիւնը բաց է առաւօտեան 8—4 ժամը: Կիրակի համարները 5 չիտան: Սրտասահմանում տարեկան 8 ֆրանկ կամ 3 ռուբլի եւ տոն օրերը 10—2 ժամը: Յայտարարութիւն ընդունում է ամեն կէս տարուանը 5 ֆր. կամ 2 ռուբլի: Թէկրանում գրում են միմիայն, չեղումով: Յայտարարութիւնների համար վճարում են իւրաքանչիւր բառին խմբագրատան մէջ: Մեր հասցէն. Téhéran Rédaction CHAVIGH. 1 շահի:

ԲՈՎԱՆ ԴԱԿՈՒԹԻՒՆ

Իմ օրը է կատարում մեր հասարակութիւնը.— Ներքին ՏԵՍՆՈՒԹԻՒՆ ԳԻՐ. հայր Այվատեանը եւ խաբարները. Նամակներ խմբագրութեան. Ներքին լուրեր.—ԱՐՏԱՔԻՆ ՏԵՍՆՈՒԹԻՒՆ Արտաքին լուրեր.—Բանասիրական Թեմական տեսուչ Ատրպատականում:

ԻՆՉ ԴԵՐ Է ԿԱՅԱՐՈՒՄ ՄԵՐ ՀԱՍԱՐԱԿՈՒԹԻՒՆԸ

«Շախիղ», այս մի քանի վերջին շաբաթներում, ականատես եղաւ շատ եղելութիւնների որ տեղի ունեցան ի մէջ հոգեւորականութեան եւ երկու գաղութների հոգաբարձութիւնների, եւ որ շատ սովորական են եղել Թէհրանում:

Այս ամենի մէջ, մէկ բան միայն որ աչքի է զարկում, հասարակութեան բռնած դիրքն է եւ խաղացած դերը:

Հասարակութիւնը իւր շուրջը ամեն անցած դարձածը տեսնում է, թէ եւ երբեմն նկատողութիւններ էլ անում է, այսու ահնայնիւ, նա չէ կարողանում ըմբռնել, մի որոշ գաղափար կազմել եղելութիւնների եւ մինչեւ իսկ նորանց հեղինակների մասին:

Այսօր հրաւիրում է նա մէկ խնդրի համար, կամայ—ակամայ գալիս է եւ ներ-

կայանում: Հարցրէք մէկ անգամ նրանից թէ ո՞ր եւ ինչի համար է եկել, տարակուսանք կը սլատասխանէ, «Վալլահ չեմ իմանում, այս ինչը ժողովի է կանչել եւ ես էլ եկել եմ»:

Յետոյ կը տեսնէք, միւս կողմում հասարակութեան դիմացը, մի քանի հագու մէջ միայն, խօսում—վիճաբանում է մի ինչ որ խոփիւր. եւ նա էլ լսում է շարունակ առանց հետաքրքրուելու այդ խնդրի մասին, բայց հէնց որ բանը հասնում է նրա կարծիքը հարցնելու, նրա տրամադրութիւնն իմանալու մէջ, կը տեսնէք մի խուլ շնչիւն, մի թեթիւ իրարանցում—մէկը միւսին արմունկով հրում է նրանից հարցնելու համար թէ «ինչ խաբար է ինչ են ասում, ինչ խնդիր կայ», վերջապէս եթէ մի քանի խօսքով նրան բացատրում է օրուայ հարցի մասին, հասկանում է կամ ոչ, եւ առանց իրանից ուղղած կարծիքը յայտնելու, տրամադրութիւնը ցոյց տալու, կրկին եւ եթ ընկնում է իւր սովորական անշարժութեան մէջ, կարծես նիրհում է...: Այդ պարագայում, աչքը լոյս օրուայ հերոսներին, հասարակութեան աչքի առաջ, կազմում—կազմակերպում

են, ինչ որ արդէն իրանք, երեկ ծրագիրը կազմել եւ մասլահաթի համար այսօր էլ նրա աչքից են անցկացնում: Յետոյ մի ինչ որ արձանագրում է, ստորագրում է եւ հասարակութեան պարտաւորութիւնն էլ լրացել է... այժմ նա մեկնում է: Հարցրէք կրկին նրանից թէ ինչ հասկացաւ այս օրուայ այս համախմբութիւնից, կը պատասխանէ «ինչ եմ իմանում մէկն էս ասաւ, մէկն էս ասաւ, ինչ գիտեմ ո՞ր մէկն էր զորդ ասում»:

Վաղն էլ հրաւիրէ նրան եւ ուղիւ քանդել այս օրուայ շինածը. կը գայ եւ նոյնքան պաղարիւնութեամբ ականատես կը լինի նա եւ նոյնքան անտարբերութեամբ էլ կը թողնէ եւ կը մեկնի ինչպէս որ երեկ, առանց երբէք իրան իրաւունք համարելու հարցնել թէ «այդ ինչ էր որ երեկ շինեցիք եւ ինչ էր որ այսօր քանդում էք»:

Այդ ձեռով Թէհրանում կազմում եւ լուծւում է ամեն բան, ամեն խնդիր, թող լինի գաղութական եկեղեցական, հոգաբարձու կամ պատգամաւորի ընտրութիւն եւ այլն: Ամեն բան այդպիսով ըսկեւ եւ զժբաղդաբար շարունակւում է մինչեւ այսօր:

ԲԱՆԱՍԻՐԱԿԱՆ

ԹԵՄԱԿԱՆ ՏԵՍՆՈՒՆ ԱՏՐԱՍԱԿԱՆՈՒՄ

Գաւառներում ամեն մի գիւղի ժողովուրդը, զանազակ ներքին, շատ անգամ չնչին անձնական նիւթական շահերի պատճառով, երկու-երեք միմեանց կատաղի թշնամի կուսակցութիւնների է բաժանում, որոնք յաճախ այնպիսի սուր կերպարանք են ստանում, որ առաջ են բերում ժողովրդային ընդհարումներ, կռիւներ եւ արիւնահեղութիւն: Մեզ շատ անգամ պատահել է, որ այդ միմեանց թշնամի կուսակցութիւնները հաշտեցնելու դժբախտ պաշտօնը ստանձնելիս, բայց միշտ էլ պայքարին են անցնել գործադրւած բոլոր ջանքերը: Առերեւոյթս դրանց պարագլուխները երբեքմէ, նշանաւոր տօներին, հաշտում են, բայց հէնց որ երեւան է դալիս մի չնչին, շատ աննշան առիթ, կրկին զարթնում է նրանց մէջ վրէժի, քիւնախնդրութեան եւ իսկ ոգին, կրկին նրանք զբոսորդում ու կուտում են: Ժողովրդի կիանքի մէջ այս

աննպաստ, խիստ վնասաբեր երեւոյթը պատճառ է դառնում ժողովրդական ամեն մի ձեռնարկութեան խափանելուն եւ, շատ պատճառներից մէկն էլ այն է, որ գաւառները զուրկ են կանոնաւոր գաղութներից եւ ուսուցչիցներից: Մի կուսակցութեան ընտրւած ու արժանաւոր ուսուցիչը հալածւում է միւս կուսակցութիւններից շատ անգամ ամենակեղտոտ միջոցներով, յաճախ նոյն իսկ մատնելով կառավարութեանը, իբրեւ կասկածելի անձնատրուութիւն: Իսկ այդ տեսակ լարումը, թշնամական յարաբերութիւններ տաժող կուսակցութիւնների մէջ համերաշխութիւն կայացնելը ոչ թէ միայն սոսկ տեսչի այլ նոյն իսկ թեմական Առաջնորդի հեղինակութիւնից եւ ուժից բարձր մի կօնորդի ոյժ է պահանջում: Իսկ այդ ղէկավարող, իշխող աւթորիտական կազմակերպութեան պաշտօնը կարող են վարել Դավթէժի երկու թաղի հոգաբարձութիւնները, միայն թէ թեմական Առաջնորդի հետ: Ձայն բազմաց, ծայն Աստուծոյ-ժողովուրդը մեծ նշանակութիւն է տալիս հեղինակաւոր անձանց ծայն Հարկաւոր չէ, (որովհետեւ

յսելի գրգռման առիթ տուած կըլինին) որ այդ կօնորդը հաշտարարի դեր կատարէ նրանց մէջ. այլ նրա պարտքը միայն այսքանը լինի, որ կարողանայ կուսակցութիւնների պարագլուխներին համոզել, որ հասարակական գործերում կարող են միմեան, իսկ անձնական շահերի տեսակետից դարձեալ նոյնը մնալ, թէ եւ շատ ուրախալի կը լինէր, որ վերջին երեւոյթն էլ բոլորովին անհետանար: Նրբ դրանք կը համոզուին վերոյիշեալ կերպով միմեան, այն ժամանակ դրանցից եւ երկու հոգի էլ ժողովրդից կընտրուին, հոգաբարձացիւններ, որոնց կը յանձնուի դպրոցի միմեան նիւթական մասը կառավարելը, այն է՝ դպրոցի վերանորոգութեան, զստարանական կահկարասիների-գրասեղանների, գրատախտակների, եւայլն գործը: Իսկ ուսումնական մասին կը հսկէ միայն տեսուչը, որը հաշիւ կըտայ իւր գործունէութեան եւ դպրոցների ուսումնական-բարոյական վիճակի մասին, իւրաքանչիւր տարի: Իսկ ինչ պիտի անէ թեմական դպրանոցը: Նա կարող է գաւառների ամեն մի բաղամարդ հայ

Թէ՛նորանդիյ է ծագել այդ տխուր երեւոյթը և ինչ է դուրս սկզբնապատճառները, դժուար է պատասխանել այդ հարցին:

Նախ թէ սկիզբները, հասարակութիւնը իւր նախնական վիճակում, փառած լինելով Թէ՛հրանի պէս մի քաղաքի մէջ (որն այս վերջին ժամանակներում միայն սկսել է յարաբերութիւններ հաստատել տրտասահմանի հետ), զուրկ է եղել ամեն տեսակ ազգային հաստատութիւններից, կազմակերպութիւններից, որով և նորանց մասին չէ ունեցել ամենափոքրիկ գաղափարն անգամ: Եւ եթէ երբէք պատահել են անձնաւորութիւններ, որոնք այսօր ազգի գործիչներ—մշակներ հրեշտակելու փառքն ունին, իրանց և իրանց գործերին այն դիրքն են տուել, որ հասարակութիւնը կարծել է անհնել լսանքին նոցա գերբնական և անմատչելի էակներ, մէկ գերիվերոյ զօրութիւն, որ մինչև իսկ չէր կարելի համարձակել նրանց հետ խօսել ինչ մնաց պաղափարակցել, կարծիք տալ կարծիք առնել: Այդպիսով իւրեանց անձնաւորութիւնները խորհրդաւոր պահելով, պարտաւորեցրել են հասարակութեանը որ իրանց խօսքերը իբրև երկնային պատգամ ընդունին. մի տեսակ պատկառանքով, յարգանքով վերաբերուին դէպի իրանց: Նրանց խօսքին խօսք բերելը կը նշանակէր մի մահացու մեղք գործել:

Իսկ յետոյ երբ հասարակութիւնը, ժամանակի պահանջի համաձայն, իւր ամօթխածութիւնից դուրս գալու պէտքը հետզհետէ զգալով երբեզեք իւրեան մէկ նշանակութիւն տալ և ուշադրութիւն դարձնել իրան պատկանող գործերի և գործիչների վերայ, (քանի որ արդէն այդ իրաւունքն էլ իրան տրուած էր), նա ներկայացաւ գործին մասնակցելու. բայց ավստոս որ, այս անգամ էլ նրա ներ-

կայութիւնը ձեւի համար միայն ընդունուեց և թույլ չը տրուեց նորան իւր կարծիքը, ինչ որ էլ լինէր նա, ազատ համարձակ յայտնելու ժողովներում: Նա էլ չունենալով հասկացողութեան այն բարձր տատկճանդ որով կարողանաւ ճակատ առ ճակատ իւր իրաւունքները պահանջել, պաշտպանել և գործերի վերայ հսկել, ընկել է մէկ տեսակ անտարբերութեան մէջ. «Ինչ ուզում են թող անեն, մեզ ինչ» ստելով, Ահա թէ ինչու երբ այժմ ամեն արտօնութիւններ էլ որ տրուել են իրան, և հրաւիրուած է իրան վերաբերեալ ու է մի գործ կարգադրելու, նա այդ տեղ ներկայանում է բոլորովին անսխալաւոր: Այստեղից պարզ երևում է որ հասարակութիւնը, ներկայ հանգամանքներում, չէ կարողանում երբեք իրան տրուած կատարեալ արտօնութիւններից օգուտ քաղել և փոխանակ որպէս իրաւատէր ազգեցիկ դիրք բռնելու, գործողի բարձր պարտաւորութիւնը ստանձնելու, կուրօրէն հետևում է միայն լոկ երևոյթների այսինքն կատարում է կրաւորական մի գեր, որտեղից և ծագում են տհաճութիւններ: Որքն է լանցանքը:

Ն Ե Ր Ք Ի Ն Տ Ե Ս Ո Ւ Թ Ի Ի Ն

(Կրթապատիւ հայր Այլատեանը եւ Խաբեքանները *)

Յիշում եմ... շատ լաւ յիշում եմ այն գրական երեկոյթը Գեր. Հայր Այլատեանը, խօսելով ընթերցանութեան նըշանակութեան մասին, ուղղեց վերջի վերջոյ իւր խօսքը տեղւոյս հայկական

*) Թողւածագիրը թէեւ քննադատուած է մէկ իրողութիւն, սակայն եւ չենք կարծում որ ինքն իրան էլ ազատ կարող է համարել իւր մէկ ընթացքի համար հասարակութեան քննադատութեան ենթարկելուց:

Խմբ.

կը պահանջէ, քան թէ մի կեդրոնական դպրոց:

Մենք, ուրի առաջ ունենալով պարսկահայ գուլաւներն հայ բնակիչների ներկայ տնտեսական և մտաւոր վիճակը, սկզբունքով եւ համոզմունքով դէմ ենք այդ վաղամեծիկ կեդրոնական դպրոց ունենալու հարցին: Գիւղացի մանուկը, մեր կարծիքով պէտք է մնայ գիւղում եւ գուլանի մանի հետ զիրք բռնել էլ սովորէ: Դա օգտակար է նոյն իսկ այն տեսակներից, որ դպրոցի աշակերտը զգարողութիւն իւր ստացած պաշարով կարող է խմորել եւ իւր ծնողներին, որոնք ամենալարված հետաքրքրութեամբ կը լսեն իրանց զաւակների պատմածները:

Կարծ խօսքով մանք ցանկանում ենք, որ կազմուի գիւղական փոքրիկ ինտելիգենտ—եթէ կարելի է այդ բառը յատկացնել իրանց հասարակութեան, որը կարողանայ թէ լաւ վարուցանք անել եւ թէ սիրել գիրքը, ընթերցանութիւնը, եթէ մենք կարողանանք առ այժմ այդքանն անել, մեծ գործ կատարած կը լինինք:

ուսումնարանների հոգաբարձութեանց և տրագիկական ձայնով բացականչեց: «Դուք երկուսդ էլ խարդախներ էք խաբեքաններ էք, խաբում էք ժողովրդին, կամ միացէք գործեցէք կամ հեռացէք, հրաժարուեցէք պաշտօնակատարութիւնից և թող տուեցէք ժողովուրդին գործելու...» Յիշում եմ նաև, երբ պարզամիտ հասարակութիւնը բուռն ծափահարութեամբ պատասխանեց գեր. հոր արտասանած գեղեցիկ էպիտետին և ագահաբար որոնում էր աչքերով այդ «խաբեքաններին», բայց որոնք, ի մեծ զարմանս նոցա, նոցանից բարձր ծափահարում էին և խորհրդաւոր ակնարկ ձգում գեր. հոր երեսին, որով կարծես թէ ցանկանում էին ասել «Օ, դուք, գեր. հայր, շատ քաղաքագէտ գտնուեցաք, հասկանում ենք, դուք որ կուսակցութեան խաբեքայ աշուանեցիք...» Եւ իրաւի, գերապատիւ հայր Այլատեանը, խաբեքայ անուանելով երկու ուսումնարանների կուսակցութեանց, կարող ենք ասել, որ գոհունակութիւն տուեց ամենին և ոչ մէկի սիրտն էլ, ըստ երևոյթի չը ցաւացրեց, չը վերաւորեց: Դորանով: Նախ հառաբակութիւնը, երևի իմացաւ, որ գեր. հայրը վերին աստիճանի անկողմնապահ և անաչտու է. երկրորդ՝ Դովլաթաթաղի ուսումնարանի կուսակցութիւնը կարծեց, թէ հայր Այլատեանը, «խաբեքայ» ստելով, մատնացոյց արաւ Հայկական վարժարանի կուսակցութեան վերայ, վերջինս, հաստատ համոզուած լինելով, սր գեր. հայրը իւրեանց կողմն է, փտահ էր, սր գեր. հոր արտասանած «խաբեքայ» խօսքը և «հակառակ կուսակցութիւնը» նոյնանիշ բառեր էին նորա համար, և վերջապէս ինքն հայր Այլատեանը, երևակայում եմ, որքան պէտք է գոհ մնար այդ խօսքերից, որ լաւաջ բերեց այդպիսի մի բուռն ծա-

գիւղից մի—մի հաս ուշիմ աշակերտ պահել զրպանացում այն պայմանով, որ զրանք աւարտելուց յետոյ մտնեն գիւղերը գործելու կամ քահանայական և կամ ուսուցչական պաշտօնով, նայելով իրանց աշակերտների ընդունակութեան ու բնական հակճանկին:

Այլ եւս այստեղ ուսուցիչները ոչ մի պատճառ չեն ունենալ իրանց նիւթականի մասին մտածելու կամ առարկելու, քանի որ «Դաւառական միացեալ հոգաբարձութիւնը» և տեղական գիւղական հոգաբարձութիւնը այդ բանը կարգադրելն իրանց վրայ են առնում, այնուհետեւ ուսուցիչը կարող է միմիայն անձնատուր լինել իւր պաշտօնին, առանց քննաւորուած լինելու քննանկան կամ տնտեսական հոգսերով, նա այնուհետեւ կարող կը լինի խաղաղ, անվրդով հոգով, ինչպէս ասում են «կպնել իր գործին»:

Կեդրոնական դպրոցի հարցը բոլորովին աւելորդ ենք համարում մենք եւ իսկի չի էլ իրականանալ, դրա փոխարէն առաջարկում ենք Արամեան դպրոցը թեւ մական դպրանոցի վերածել, որն աւելի քիչ ծախս

Գիւղացի մանուկը 10—12 տարեկան հասակից ընկնում է քաղաքի բազմագոյն, հրապուրիչ կեանքի մէջ եւ նրանում փոքր առ փոքր մեռնում են պարզութեան, աշխատասիրութեան եւ քակաւապետութեան սերմերը, որոնց նա իւր հետ բերել էր գիւղից: Անցնում է 7—8 տարի եւ գիւղական պարզասիրտ մանկան փոխարէն ձեռք ներկայանում է մի այլանդակուած արարած, որը ոչ մի կերպով չէ կարող օգտակար լինել իւր հայրենի գիւղին: Նրա համար զարշիլ են իւր գիւղացի ծնողները ընկերները, գիւղական կեանքը, երկրագործական աշխատանքը, վերջապէս ամեն բան, ինչ որ գիւղական է: Ուրեմն քաղաքի դպրոցը չէ կարողանում իւր բոլոր ջանքերով ու սիստեմական-անսիստեմ կրթութիւնով դիմադրել քաղաքային կեանքի ազդեցութեանը: Դրանով գիւղական մանուկը բնաւորապէս այլասեռուած է: Եւ իսկապէս ինչ են պարսկահայոց քաղաքները, եթէ ոչ ասիական մեծամեծ գիւղեր, որոնց բնակիչները հարուստ են, ունին հոյակապ տներ, à la française—շորիք. փարթաւ

փափարութիւն. O, tempora! O, Mo-
res!

Բայց գուցէ յարգելի ընթերցողը մեզ
հարց առաջարկէ թէ ինչո՞ւ, ի՞նչ մեղաց,
ի՞նչ խաբեբայութեանց համար գեր. հայր
Ալվատեանը արժանացրեց այդ երկու
կուսակցութեանց յիշեալ գեղեցիկ մակա-
նուանը:

Առհասարակ հայհոյել մի որ և իցէ
մասնաւոր անձնաւորութեան վտանգաւոր
է, որովհետեւ գորա համար կարող է
անսպասելի իւր կողմից եթէ ոչ աւելի
մեծ անպատուութեան արժանանալ գոնեա
ստանալ նորա փոխարէնը. բայց, հայհո-
յել հրապարակապէս նոյն անձինքներէից
կազմուած մի կօրպօրացիան, չ'ապա-
ցուցանելով նորա գործ դրած խաբեբայու-
թիւնները, երևի, ըստ գեր. հօր կար-
ծեաց թողատրելի և ներելի է... Մենք
չ'ստ սպասեցինք, որ գեր. հայրը ման-
րամասնօրէն կը քննէր մեր ազգային գոր-
ծերը, կ'ապացուցանէր, վերջապէս, հասա-
րակութեան դիմաց ուղղամտարանների
հազարաւորութեանց գործ դրած խաբեբա-
յութիւնները, սակայն, տարաբաղդաբար,
մեր յոյսերն ի դերեւ ելան, որովհետեւ
սրբան մենք գիտենք, յիշեալ կուսակ-
ցութիւնների խաբեբայութեան ապա-
ցուցման մի թեթեւ ակնարկ ահա՞մ չե-
ղաւ նորա կողմից, այսքանս միայն կա-
րող ենք ասել, որ գեր. հօր գործու-
նէութեան ամբողջ ջանքերը եղել են
միացնել, ըստ գեր. հօր ասած, խաբեբա-
ներին և, այդ պիտով, կազմել մի գործող
ուժեղ մարմին, որով և մենք արդէն
կարող ենք երևակայել, թէ ինչ հրաշք-
ներ կարող են գործել ապագայում նորա
անուանեալ խաբեբաները միացեալ ու-
ժերով, չէ՞ որ մէկ խելքը լաւ է, իսկ
երկուսն, էլ աւելի լաւ:

Գեր. հայր Ալվատեանը, երևի չէր
իմանում, որ Թէհրանի հայ հասարա-
կութիւնը սկսել է նոր արթնանալ այն
գիւցազնական քնից, որի մէջ խորասու-
զուած է եղել մինչև այժմ: Չանազան
գաղափարների ազդեցութեան ներքոյ,
բնականաբար, պէտք է լաւաջ գալին

կուսակցութիւններ, որոնք և՛ պէտք է
գործէին այնպէս, ինչպէս նոցա գլխի
ուղեղը կարող էր հասկանալ: Բայց եթէ
կուսակցութիւնները, կամ նոցանից մէկը
սխալուում է. այդ չի նշանակում որ նո-
րան պէտք է անսպասելի խաբեբայ ա-
նուանել: „Errare humanum est“ ա-
սում է լատինական առածը, մարդկու-
թեան սեփական է սխալուիլ և միայն
սխալուելով նա կը յառաջդիմէ: Թող
ուրեմն, գեր. հայր Ալվատեանը խապա-
ցուցանէր հրապարակապէս այդ երկու
կուսակցութիւնների խաբեբայութիւննե-
րը այնպէս, ինչպէս նա համարձակապէս
և հրապարակապէս՝ անուանեց նոցա
խաբեբայ: Այս բանը նա պարտաւոր էր
անել, որպէս՝ զի տեղոյս հասարակու-
թիւնը ճանաչէր խաբեբաններին, աշխա-
տէր ամեն կերպ խոյս տալ նոցանից և
հեռացնէր նոցա ազգային գործերից:

Անտարակոյս, իւրաքանչիւր հասարա-
կութեան մէջ կարող են հանդիսանալ
պարապաշրջիկ բաղդախնդիր մարդիկ, ո-
րոնք թէ ճարպիկութեամբ և թէ իւր-
եանց գործ դրած սովեստութիւններով, ի
միաս հասարակութեան, կաշխատեն մի
գեր խաղալ ազգային գործերի մէջ լոկ
իւրեանց շահամով դիտաւորութիւնները
իրագործելու նպատակաւ, եթէ տեղոյս
հասարակութեան մէջ լայնունել են այդ-
պիսի անհատներ, և եթէ այդպիսիները
բուն են դրել, մեր հասարակական շըր-
ջաններում, թող անուանէր նոցա, և ոչ
հրապարակապէս անարգէր մի ամբողջ
հաստատութիւն, որը գժբաղդութիւն է
ունեցել ընդունել նոցա իւր շրջանի մէջ:

Ինչ արաւ ժողովուրդը, կարողացաւ
ճանաչել այդ խաբեբաններին: Երևի ոչ,
որովհետեւ ինչպէս ցոյց տուեցին ընտ-
րութիւնները, ընտրուեցան դարձեալ
յիշեալ կուսակցութեանց պարագլուխնե-
րը, որոնց գեր. հայր Ալվատեանը,
բաղդ ունեցաւ, խաբեբաններ անուանելու:

Ինչ արաւ գեր. հայր Ալվատեանը
նա փոխեց միայն դէկորացիան, բայց

գլխաւոր գործող անձինք մնացին մի և
նոյն պարոնները...

Բ. Ա. — Եանց

Նամակ խմբագրութեան

Թէհրան 27 հոկտ. 94

„Շաւղի“ 40 թուում կարգացի Յով-
հաննէս խան Մասեհեանի նամակը որ,
վերաբերում էր „Շաւղի“, 39 թուի խմ-
բագրականին և երրորդ երեսում տպուած
նամակին, որի գրողի անունը յիշատա-
կել անգամ աւելորդ էր համարել: Նա-
մակի բովանդակութիւնից պարզ երևում
է որ այդ գրութիւնը թէ հրաժարական
է թերթին աշխատակցելուց, թէ բողոք,
երրորդ երեսի նամակը առանց իւր գի-
տաւթեան և համաձայնութեան (?) տը-
պագրելու համար, առ թերթի տրտօնա-
տէր-հրատարակիչը, և թէ մի և նոյն
ժամանակ իւր չքմեղականը: Ինչ որ էլ
լինի նամակի բնաւորութիւնը այդ ինչ
չէ վերաբերում:

Միայն որովհետեւ 39 թուի երրորդ
երեսի նամակը իմ գրածն է ուղղակի
իմ ստորագրութեամբ, որի մէջ և Յով-
հաննէս խան Մասեհեանը կարծում
է տեսնել, որպէս Ազգային Ուսումնա-
սիրաց ընկերութեան ատենապետի, իւր
անձնական անկեղծութիւնը և շարժա-
ռիթմերի ազնուութիւնը կասկածի են-
թարկուած լինելը, ուստի մէկ տողու-
պարտաւորութիւն եմ զգում հերքել նո-
րա սխալ կարծիքը այդ մասին:

Նախ ես չեմ կարծում որ իմ այն
յօդուածով հակասած լինվմ թերթի ուղ-
ղութեանը, որովհետեւ ես ուղղակի նկա-
րագրել եմ հոկտ. 9-ի ամբողջ եղելու-
թիւնը: Մէկ որ և է եղելութիւն նկարա-
գրելը մէկ թերթում, միթէ նոյն թերթի
ուղղութեան հակասել ասել է, բացի այդ
որ իմ յօդուածում չը կայ այնպիսի մէկ
բառ որ հակառակ լինի ազգային ժո-
ղովի կայանալուն կամ ազգային հոգա-
բարձութեան ընտրութեան սկզբունքին,
ինչ մնաց մէկ թերթի ամբողջ ուղղու-
թեանը: Իսկ ինչ վերաբերում է ուղղակի
իմ յօդուածին իբրեւ հակասող նոյն

ընտանեկան կեանք և այլն: Քաղաքային կեանքի
տուածր գիւղացուն այն է լինում, որ առաջուալ
անկեղծ, պարզ գիւղացին մի քանի տարուայ ըն-
ծացրում դառնում է կեղծաւոր, խորամանկ և շա-
հաղիտական ձգտումներով տոգորուած մի արա-
րած: Այսպիսի հասարակական կեանքում մեծացած
գիւղացի մանուկը վերջ ի վերջոյ կորած է համար-
ւում գիւղացու համար: Ուրիմն, եթէ մեր անկեղծ
ցանկութիւնն է օգնել հայ պիւղաղու լուսաւորու-
թեան գործին, տանք նրան մի-կամ երկրասեան
կանոնաւոր, արժանաւոր և կրթուած ուսուցիչներով:
գիւղական գաղթողներ և կրթուած քահանաներ:

Շատերն իրանցից այդ գործը ռազ անելու համար
նշանակեցին այժման չը գիտենք թեմական (??)

ասենք, թէ գաւառական տեսչին, ամեն տեսակ
լիազօր իրաւունք տալով նրան կրթական գործի
վերաբերմամբ:

Նախ մի բան, որ մեզ համար դեռ անլուծելի է
մնացել, այն է, որ արդիօք նշանակուած պարոնը
թեմական, թէ գաւառական տեսուչ է. այդ երկուսի
մէջ շատ զանազանութիւն կայ, և թէ թեմական է
ինչ, է նշանակում սահմանափակուի միմիայն յայտ-
նի կուսակցութեան պատկանող մարդկանց համար
Աւետեաց երկրի նշանակութիւնն ունեցող Սալմաստ
գաւառով, ուր առատ գինի, համեղ կերակուրներ
և կենսական ուրիշ պիտոյքներ ձեռք բերելը
շատ հեշտ է և սուր, վաղուց հետէ հիմնուած
կան քիչ թէ շատ կանոնաւոր դպրոցներ,

(բացի մի քանի գիւղերից, որոնց բնակիչների մէջ
7—8 տունն է միայն հայ, այն էլ յետին չքաւո-
րութեան մէջ) և նոյն իսկ գրադարան-ընթերցա-
րան: Իսկ եթէ նա գաւառական տեսուչ է, հա-
պա այդ փրուն ախտորոշ-թեմական տեսուչ—հը
մնաց: Մեզ չէ հետաքրքրում այդ տխուր, որով-
հետեւ մեր ներկայ անիշխունական կացութեան մէջ
կարող է մէկն իրան տիեզերական տեսուչ անուա-
նել, բայց ինչպիսի նրանումն է, որ տխուր պար-
զում է և անհատի պաշտօնը. հասարակ դիմաւոր
իրան չէ կարող գինիւր-լէտնանտ անուանել, հա-
կառակ դէպքում նրանից կը պահանջուի և իւր
կրած տխուրին համեմատ գործունէութիւն:

(Կը շարունակուի)

Թագի խմբագրականին (ի՞նչ արդարեւ էլ լինէր) պատասխանում եմ, որ մէկ թերթ կարող է հազարաւոր խմբագրականներով պաշտպանել մէկ սկզբունք, բայց բուն գործի մէջ գալով սկզբունքը կարող է տեւի տալ անձնաւորութեանց, պէր գործում են անձնական հաշիւները և անհատները ոչ թէ թերթը իւր պաշտպանած սկզբունքներով և գործից դուրս եկած արդիւնքն էլ հաւանական է որ հակառակ լինի և է մէկ խմբագրականի և այդտեղ թերթը անձնապաշտ լինելու չափ մեղաւոր չէ, քանի որ թերթում էլ նոյն անձնաւորութիւններն են, որոնք, որ, ոչ թէ մէկ թերթ ալ գոչէ ամբողջ տիեզերք կողմէին իւրեանց փոքրեցածութիւնը տակ առնել, այս թերթը իւր ընթացած ճանապարհի մէջ որպէս ես կարծում եմ, դեռ շատ ազդեցութիւնների կենթարկուի, կրնան և կը բարձրանայ մինչև որ կտրուի այս սարսափելի քառի միջից անվնաս դուրս պրծնել և ձեռք առնել իւր ուղղութիւնը, քանի որ դեռ մենք անձնաւորութիւններ ենք քննում: Գալով նորա անձնաւորութեանը կասկածի ենթարկելը բոլորովին սխալ է մինչդեռ ես նորան իբրև յառաջդիմական եմ ներկայացրել իմ գրութեանս մէջ, և երևակայական քեֆորմների և տեղի փոփոխների մասին շատ անգամներ արդէն պատիւ եմ ունեցել անձամբ նորա հետ խօսելու:

Իսկ ինչ վերաբերում է սարքած խաղերին, հաստատում եմ այդ կրկին և Թովմանէս խանը եթէ ինչ չէ ուզում ճանաչել 1883-ից մինչև այսօր տեղի ունեցած ամեն գործերում, գործակից, գէթ կարող էր մի տկանասէս վկայ համարել ամեն կարգի ազգային, գործցական թատերական և վերջերս էլ լրագրական գործերում, այնպէս որ մէկ տըհաճելի մինչև իսկ շատ տխուր մէկ պարտաւորութիւն կը լինէր ինձ համար 85-ից ի վեր պատահած ամեն գէտքերը մի առ մի նկարագրել գուցէ և ինքն էլ այդ բանից զոհ չը մտար: Բայց թէ ինչո՞ւ լուել էի մինչև այսօր, այն պատճառով որ ինքն, ես և ուրիշ շատ անձնաւորութիւններով կազմած ենք եղել մէկ կուսակցութիւն և պաշտպանած ամեն բան մասնաւոր կերպով, բայց որովհետեւ մեր կուսակցութիւնը քայքայուեցաւ, և մեր պաշտպանած խնդիրները ուղղակի անցան հասարակութեան ձեռքը, էլ ինչ մնաց մեզ պաշտպանելու և լուելու, պէտք էր ուրեմն ազդարարել որ այն ամեն ինչ որ խղճի մտքը կարելի էր անել մէկ կուսակցական գործի մէջ, այլ ևս չէ կարելի անել ընդհանրութեան վերաբերեալ գործերում:

Միբայել Յ. Եղիազարեանց

ՆԱՄԱԿ ԽՄԲԱԳՐԱԾԱՆ

Թէհրան 25 հուլ. 84

Կարողցիր «Շաւի» 40 համարում Թէհրանից մի նամակ, որի մէջ պահանջում էր սովորների օգտին հաւաքուած փողի հաշիւը կամ ուր ուղարկուի: Սովորների հոգսով իմ միջոցով հանդիմանկութեամբ 1191 դրան է որ եւ յողումագրին բաւականութիւն տալու համար պարտաւորութիւն եմ դրում նորա հաշիւը ներկայացնել:

Պ. ոյ. Եղարը Թումանյանից 150 դ. Սիւննգար Վարդանեանից 400 դ. Տ. Մ. Վարդանեանից 100 դ. Արամեան ընկերութիւնից 100 դ. Յովսէփ Թադէոսեանի միջոցաւ 150 դ. Միսա Ա. Գալտանի միջոցաւ 71 դրան: Գումարն է 1191 դրան:

1894 28 Յուլիս 200 մանէթ մէկ փոխանակագրով ուղարկուեցաւ «Մշակի» խմբագրութեան: 1—78ով—1123 դրան 60. որի մասին արդէն «Շաւի» 28 համարում գրուած էր 1 տետրակ, փոստի ծախք,—սեւ փողի տարբերութիւն 5—50. ամբողջ կանէ 1129 դրան 10, կշիռն է 61 դրան 90 որը ինձ մօտ է կաշխատներ ապահովներից հաւաքել, եւ ուր որ հարկն է նպաստել:

Ռաֆայէլ Թադէոսեանց

Նամակ խմբագրութեան

Հանցեք պատուական լրագրող միջոցաւ հրատարակել յետագայ համաժողով պատասխանս, այն 720 դրանի համար, որը հանդանակուած է վեց հոգուց կազմուած մի յանձնախմբով. եւ որի մէկն էլ ես եմ եղի:

Հանդանակուած գումարն է 700 դրան որի 90 դրանը դեռ եւս ապահով, իսկ մնացորդ 610 դրանը մինչև այժմ միջանից անկախ պատճառներով, չենք կարողացել յատկացնել այն բարեգործական նպատակին, որի համար իսկուպէս հանգամանուած է:

Վերջին ճիշդ եւս պիտի անենք, այս գումարը ուղղակի իւր նպատակին ծառայեցնելու. եթէ նորից այդ մեզ անկարելի լինի, վերջը կը մտածենք մի այլ նպատակի ծառայեցնել կամ կրկին ուղարկել սովորներին եւ որի մասին կը յայտարարուի ուրիշ մի թիւում ի վիտուէրն նպաստողոց:

Ա. Թ.

ՆԵՐՔԻՆ ԼՈՒՐԵՐ

Որպէս լսում ենք, գեր. հայր Ավատեանը խնդրագրով գիմել է Նորին Վսեմութեան նախարարապետին, կըրթութեան գործը բախտախնդիրների ձեռքից վերջնականապէս ազատելու և հոգեւոր իշխանութեան վերահսկողութիւնը ամեն դէպքում յարգել տալու համար: Ն. Վ. նախարարապետը բանաւոր գրտնելով խնդիրը բարեհաճել է, յատուկ մի հրամանագրով հաստատել գեր. հոր պահանջները և ճանաչել նորըմտի Ազգային հոգաբարձութիւնը իբրև ազգային միակ մարմին:

Ամսոյս 28-ին ուրբաթ օրը առաւօտեան ժամը 9 ին, գեր. հայր Ավատեանը մեկնեց դէպի Ն. Զուղայ շատ հաւանական է որ յունվարին կրկին վերադառնայ Թէհրան, մի քանի առկախ մնացած խնդիրների վերջ տալու համար:

Անցեալ կիրակի օր, Ս. Գէորգ եկե-

ղեցում ս. պատարագից յետոյ կատարուեց ի Տէր հանգուցեալ Ն. Կ. Վ. հափառութեան ռուսաց կայսեր համալսմի մեծաշուք հոգեհանգիստ: Հոգեհանգիստին ներկայ էին բացի ամբողջ հայ հասարակութիւն և Ն. Վ. Բիււրցով ռուսաց լիազոր գեսպան իւր ամբողջ գեսպանական մարմնով և ամբողջ ռուս գաղթականութիւնը: Գեր. հայր Ավատեանը շատ ազդու կերպով ճառեց Ալեքսանդր III կայսեր ցաւալի մահուան վերայ: Հոգեհանգիստից յետոյ Ն. Վ. այցելեց գեր. հորը: Մի և նոյն օրը մի տխուր դէպք պատահեց եկեղեցում, հոգեհանգիստի ժամանակ մեծ ջահերից մէկի թուղ կտրուելով վերեւ վայր ընկաւ, թէև բարեբաղդաբար նորա անկումն այդ խուռն բազմութեան մէջ ոչ ոքի չը վնասեց, այսուամենայնիւ եկեղեցիների վարչութեանց ուշադրութիւնն է՝ք հրաւիրում այս կէտի վերայ, թող չը խնային մէկ քանի դրան թուղեր երկաթէ շղթաների փոխելու, և պատահական աղէտների առաջն առնելու համար:

Ամսոյս 21-ին կարճատե հիւանդութիւնից յետոյ վախճանուեց, տեղւոյս ռուսաց առևտրական բանկայի մասնաճակի նոր նշանակուած գիրեկտորը:

Ռաշտից մեզ գրում են հետեւեալը: Հեռագիրը գուժեց ռուսաց թագաւոր-կայսեր մահուան լուրը. երեկ հոկ. 23-ին հոգեհանգիստ կատարուեց տեղւոյս եկեղեցում, հոգեհանգիստի արարողութեան ներկայ էին ռուսաց փոխ-հիւպատոսը, պարսկական պաշտօնեաներից մի քանիսը, պետական բանկի տնօրէնը և պարսիկներ ի ու հայերի ստուար բազմութիւն: Դամբանականներ կարդացին, մի յոյն գաղղիներէն լեզուով, տէր Ա. Լոնդ քահանան ռուսերէն լեզուով, պ. Հացագործեանը պարսկերէն լեզուով խօսեց. անմահութեան մասին, իսկ ուսուցիչը հայերէն լեզուով: Եկեղեցու սեղանի առաջ, փռուած էր ի նշան սգոյ, սեկտոր:

ԱՐՏԱՔԻՆ ՏԵՍՈՒԹԻՒՆ

ԱՐՏԱՔԻՆ ԼՈՒՐԵՐ

—Ամսոյս 28-ի հեռագիրը յայտնում է, որ չինացուց կառավարութիւնը մի շրջաբերականով գիմել է եւրոպական պետութիւններին, որպէսզի միջամտեն ժապոնիայի պատերազմին և խաղաղութիւն հաստատեն:

Արտօնատէր—Հրատարակիչ:

ԱՆԴՐԵԱՍ ԲԵԿՆԱԶԱՐԻԱՆՑ